

Tafuta Kuokoa Waliopotea,

Si ninyi mlionichagua mimi, bali ni mimi niliyewachagua ninyi; nami nikawaweka mwende mkazae matunda; na matunda yenu yapate kukaa. Yohana 15:16.

Agizo linatolewa kwa kila mmoja anayekiri kumwamini Yesu Kristo. Tunapaswa kutafuta kuwaokoa wale waliopotea...

Mtendakazi wa kweli wa Mungu anamenyana na Mungu katika maombi na kuwa na bidii kubwa katika kuokoa roho zilizopotea. Mtendakazi huyu hatafuti kutukuzwa katika maneno na matendo yake, bali hutafuta tu kuokoa roho. Mungu humtangaza mtakatifu, mnyenyekevu, Mkristo anayejiushusha kama mtoto, mtenda kazi bora Kwake, yule anafanyakazi sana kwa ajili ya kuongoa roho. Viumbe wa kimbingu wanaweza kufanya kazi pamoja na mwanamume na mwanamke ambaye hajishughulishi ili kujitukuza mwenyewe, yule atakayekuwa tayari kwamba utukufu wote uende kwa Mungu.

Ni mtu yule anayehisi hasa uhitaji wa hekima ya Mungu, anayeomba kwa ajili ya nguvu za kimbingu, atakayetoka katika kuzungumza na Kristo, na kwenda kufanya mazungumzo na roho zinazopotea dhambini; na kwa sababu amepakwa mafuta na Roho wa Bwana, atafanikiwa mahali ambapo wasomi wanaweza kushindwa. Mungu ametoa mafundisho yaliyo muhimu sana kuhusiana na kazi ya kila mwanafunzi. Hakuna mtu anayepaswa kuwa gizani; kwa kuwa imewekwa wazi kwamba kila Mkristo anapaswa kuwa barua iliyo hai, anayefahamika na kusomwa na watu wote.

Kila anayemwamini Kristo kama Mwokozi wake amefungamanishwa na Mungu ili kuwa msafi na mtakatifu, kuwa mtendakazi wa kiroho, anayetafuta kuwaokoa waliopotea, wawe ni

wa kubwa au wadogo, tajiri au maskini, mtumwa au aliyehuru. Kazi kubwa duniani ni kutafuta na kuokoa wale waliopotea, wale ambao Kristo aliwalipia gharama isiyo na ukomo yaani damu Yake Mwenyewe. Kila mmoja anapaswa kuhudumu kwa vitendo... Kondoo asiyetafutwa hatarejeshwa zizini.

Mungu anakutegemea wewe, wakala wa kibinadamu, kukamilisha kazi yako kwa ubora kadiri ya uwezo wako na Yeye Mwenyewe ataleta ongezeko. Kama wakala wa kibinadamu atatenda kwa kushirikiana na viumbe wa mbinguni, roho maelfu zitaongolewa. Roho Mtakatifu atawapa watendakazi waliojitoa utambuzi kidogo juu ya Yesu ambao utawasaidia katika kila pambano, ambao utawaadilisha na kuwaimarisha na kuwafanya kuwa zaidi ya washindi... Bwana ameahidi kwamba popote wakusanyikapo wawili au watatu kwa jina Lake, Yeye atakuwa katikati yao. Wale wanaokutanika pamoja kwa ajili ya kuomba watapakwa mafuta na Yeye aliye Mtakatifu.

Ipo haja kubwa ya kuwa na maombi ya faragha lakini pia kuna haja ya Wakristo kukusanyika pamoja na kuungana katika kuomba kwa bidii kwa Mungu. Katikati ya mikusanyiko hii midogo Yesu yupo, upendo wa roho za watu unakitwa zaidi mioyoni, Roho anawatia nguvu ili mawakala wa kibinadamu watumike katika kuokoa wale waliopotea. Kila wakati Yesu... alifanya bidii kuwashawishi wanafunzi wake kwamba Roho Mtakatifu anaongoa, anaumba upya na kutakasa.

(The Review and Herald, Juni 30, 1896).